



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De ieiunio rogationum. vii.

urn:nbn:de:hbz:466:1-10722

orádo, eleemosynas largiēdo, abstergamus, & carnē nostrā decimem⁹, vt ad sanctū Pascha securi peruenire possimus.

De ieiunio quatuor temporum. Cap. II.

Constituimus, vt quatuor tempora anni, ab omnibus cum ieiunio obseruentur, id est, in Martio, hebdomada prima. In Iunio, secunda. In Septembri, tertia. In Decembri, quarta: quæ fuerit plena ante vigiliam Natalis domini, id est, feria quarta, & sexta, & Sabbato. Veniant omnes ad Ecclesiā hora nona, cū letaniis ad Missarū solēnia.

Quo tempore ad Missam flectamus genua dici debeat. Caput III.

Ex cōcil. Mogūti. cap. 2.

VT presbyteri plebibus anuūcient, quod in Quadragesima & in ieiunio quatuor tēporum tantummodo ad Missarum solēnia genua flectere debeant. In dominicis contra diebus vel cæteris festis, à vespera vsq; in vesperā non flectant genua, sed stantes incuruati orent, nec quisquam vno genu solotenus impresso orare præsumat, sicut Iudæi irridentes dominum in passione eius fecisse leguntur, sed vtraq; genua terræ figat. Ait enim Apostolus: Flecto genua mea ad patrem domini nostri Iesu Christi.

Ex cōcil. Aueliā. cap. 14.

De illis qui indictum ieiunium contempserunt.

Caput IIII.

SI quis indictum ieiunium superbiendo contempserit, & obseruare cum cæteris Christianis noluerit, in Gāgenſi concilio præcipitur, vt anathematizetur.

Ex cōcil. Mogūti. cap. 5.

De eadem re. Caput V.

SI quis eorum qui continentia student, absque necessitate corporea, tradita in commune ieiunia, & ab Ecclesia custodita superbiendo dissoluit, stimulo suæ cogitationis impulsus, anathema sit.

Ex cōcil. Gangrē. cap. 19.

De letania maiore quomodo obseruanda sit.

Caput VI.

Placuit nobis vt letania maior obseruanda sit à cunctis Christianis vno die VII. Calan. Mai. sicut in Romana Ecclesia constitutum reperimus, & sicut sancti patres nostri cōstituerunt: nō equitādo, nō preciosis vestibus induti, cinere resperſi, & cilicio induti, nisi infirmitas impedierit.

Ex cōcil. Mogūti. cap. 6.

De ieiunio rogationum. Cap. VII.

Ex cōcil. Aueliā. cap. 6.

VM exigētibus peccatis, Galliarum populi luporum & rabie acriter interimerentur, ne huius flagelli ali-

quod remedium inueniri posset, congregati traduntur Galliarum episcopi apud Viennam urbem, atque in commune statuerunt, vt triduanum ieiunium facerent. Cumque dominus pestem misericorditer abstulisset, hi dies in consuetudinem annuæ celebritatis venerunt, vt per Galliarum prouincias, ante Ascensionis domini diem celebrarentur. Agamus & nos hos dies cum summa reuerentia & deuotione, cum abstinentia carnis, & humilitate cordis, non vt visibilium luporum rabien euadamus, sed vt inuisibilium, id est, spirituum immundorum tentamenta vincere valeamus. Nullus autem his diebus vestimentis preciosis induatur: quia in sacro & cinere lugere debemus. Prohibeantur ebrietates, & commestationes, quæ fiunt in vulgari plebe. Nemo ibi equitare præsumat, sed discalciati pedibus omnes incedant. Nequaquam mulierculæ choros ducant: sed omnes in commune Kyrieleson decantent, & cum contritione cordis Dei misericordiam exorent, pro peccatis, pro pace, pro peste, pro conseruatione frugum, & pro cæteris necessitatibus. Dies enim sunt abstinentiæ, non lætitiæ.

Vt in cæna domini, vt in reliquis Quadragesimæ diebus, ieiunium non soluatur. Cap. VIII.

Ex cõcil.
Laodicæ.
cap. 50.

Quod non oporteat in quadragesima in vltima septimana V. feriæ ieiunium soluere, totamque quadragesimam sine ueneratione transire, magisq; conueniat omnem quadragesimam districto venerari ieiunio.

Vt in sabbato sancto ieiunium ante noctis initium non soluatur. Cap. IX.

Ex cõcil.
Arausico,
cap. 2.

VT in sabbato sancto, hoc est, in vigilia Paschæ, ieiunium ante noctis initium, nisi à paruulis aut infirmis, non soluatur, nec ipsa in Parasceue: quia cæna domini & Parasceue, & sabbatum ad illos XL. dies respiciunt: Vel diuina mysteria his duobus diebus non celebrentur: canonicis quippe iubentibus biduo isto, id est, Parasceue & sabbato, sacramenta pœnitentis non celebrari.

Quod non oporteat in quadragesima natalitia sanctorum celebrari. Caput. X.

Ex concil.
Laodice.
cap. 51.

Quod non oporteat in quadragesima martyrum natalitia celebrari: sed eorū sancta cõmemoratio in diebus sabbatorum & dominicorum fieri conueniat.